



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1848**

MDCCLXV. Erklärung des Markgrafen Albrecht gegen den Markgrafen  
Jacob von Baden in Beziehung auf seine Verlobung mit dessen Tochter  
Margaretha, vom 13. Juli 1446.

---

---

**Nutzungsbedingungen**

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

MDCCLXV. Erklärung des Markgrafen Albrecht gegen den Markgrafen Jacob von Baden in Beziehung auf seine Verlobung mit dessen Tochter Margaretha, vom 13. Juli 1446.

Wir Albrecht, von gotes gnaden Marggraue zu Brandenburg vnd Burggraf zu Nuremberg veriehen vnd bekennen mit difem brif für vns vnd alle vnser erben, Als wir vns mit dem hochgeboren fürsten herrn Jacoben, marggrafen zu Baden vnd Grafen zu Spanheim einer fruntfchaft vnd heyratts vereint haben, Also das vns der benant marggraf Jacob die hochgeboren furstin frauen Margarethen, marggrefsin von Baden sein dochter, zu dem orden der heiligen ee vnd vns auch zu rechtem heyrat vnd eestwre funfvndczweintzig tusent Reinischer gulden zu derselben seiner dochter zugeben versprochen vnd an sulicher Sum derselbe vnser lieber Sweher zwelftusent Rinischer gulden vgericht vnd betzalt hot, vff das wir auch dieselben vnser liebe gemahel solcher obgeschriben funfvndzweintzig tusent gulden vnd darzu dreyzehenthalf tusent gulden widerlegung verschriben vnd vff ettlichen vnsern Slosz, Stat, marckt, dorffern vnd andern verweist haben, nach vzwifung solcher brif darober gegeben, Also bekennen wir für vns vnd vnser erben mit difem brif, Ob geschehe, da got vor sie, das vnser eins mit tode abginge, nemlich Wir Marggraf Albrecht oder die benant vnser liebe gemahel fraw margareth, welche das wer, vor vnd ee die gemahelschaft mit dem hyligen beslossen wurde, das dan der vorgenant vnser lieber Sweher Marggraf Jacob vnd sine erben solche Slosz, Stat, Marckt, dorffer vnd ander guter In dem obgemelten vzwifungsbrif begriffen mit Iren zugehörungen Inhaben, nuczzen, nyessen vnd gebruchen sollent vnd mugend vngehendert vns vnser erben vnd menniglichs alles solang, biz wir oder vnser erben solch czwelf tusent guter Reinischer gulden, So wir haben Ingenomen als vorsteet, dem vorgenanten Marggraf Jacoben oder sinen erben widergegeben vnd betzalt vnd die In Iren sichern gewalt geantwort haben on allen Iren schaden ongefelerlichen; vnd des zu vrkund haben wir vnser Infigel an disen brif thun hencken, Der geben ist zu Onoltzpach, an sant Margarethen der heiligen Junckfrawen tag, Nach Cristi vnsern herrn geburt viertzehenhundert Jar vnd darnach In dem Sechsvndvierczigstem Jare,

Nach dem Originale des K. Geh. Kab. Archives.

MDCCLXVI. Der päpstliche Nuntius Johann beauftragt den Bischof von Eichstädt, dem Markgrafen Albrecht wegen seiner Verlobung mit Margaretha von Baden Dispensation zu ertheilen, am 20. Sept. 1446.

Johannes de Caruaial, Legum doctor, Camere Apostolice generalis Auditor, Sanctissimi in cristo patris et domini nostri domini Eugenii diuina prouidentia Quarti In Natione Germanica et Alamanie partibus Nuntius et Orator, Reuerendo in cristo patri domino Episcopo Eystetenfi seu eius in spiritualibus vicario Salutem in domino. Oblata